

2 Ըստ քաղաքագետի, Հայաստանի իշխանությունները պիտի դիմեն Մինսկի խմբի համանախագահներին, որպեսզի վերջիններս կարևոր պարտավորություն ստանձնեն: Այն է՝ երբ Ադրբեջանը հրաժարվի կատարել պայմանագրով իրեն վերապահված քայլերը, այդ պարագայում միակողմանի ճանաչեն Ղարաբաղի անկախությունը: Այս մեխանիզմը կիրառվել է Կոսովոյի պարագայում՝ Ախտիսաարիի պլանով:

Չորրորդ քայլով ակունքի հյուրն առաջարկում է փոխադարձ վստահության մթնոլորտի ստեղծման հարցը ևս ներառել բանակցային գործընթացում: «Գաղտնիք չէ, որ այսօր կողմերի միջև վստահություն բացարձակ չկա: Այս մթնոլորտում նույնիսկ ամենափոքրապահ ծրագիր իրականացնելը հնարավոր չէ», - նշեց Ստեփան Գրիգորյանը՝ անցնելով հինգերորդ քայլին: «Հայաստանի իշխանական օղակները, դիվանագետները, պառլամենտը պիտի ակտիվ աշխատանքներ տանեն Ղարաբաղյան հիմնախնդրի ելությունը կրկին բարձրաձայնելու ուղղությամբ: Շատ կարևոր է աշխարհին հիշեցնել, որ մենք պատերազմ չենք սկսել, ուստի օկու-

## «Շատ կարևոր է աշխարհին հիշեցնել, որ մենք պատերազմ չենք սկսել»

պանտ լինել չենք կարող, քանի որ պատերազմ սկսողն է տարածքներն օկուպացնում»:

Փոխզիջումային լուծումը, Ստեփան Գրիգորյանի վստահեցմամբ, միակ ճանապարհն է: «Առանց Ղարաբաղի՝ գիջումների մասին խոսելն անիմաստ է: Բայց մենք պետք է հայտարարենք, որ պատրաստ ենք քննարկելու ցանկացած տարբերակ: Օրինակ, ես հաճույքով Ֆիզուլիի գյուղերից մեկը կվերադարձնեի Ադրբեջանին՝ պահանջելով, որ ադրբեջանցի փախստականների հետ վերադառնան նաև ժամանակին այդ գյուղում ապրող շուրջ հինգ հայ ընտանիք», - նկատեց բանախոսը:

Ինչ վերաբերում է եռանախագահների վերջին հայտարարության մեջ առկա «օկուպացված տարածքներ» արտահայտությանը, վերլուծական կենտրոնի ղեկավարը փաստեց. «Ավելի ճիշտ

տարբերակը ռուսականն է: Մեր տարածաշրջանում Ռուսաստանի ասածն ավելի է անցնում: Կարող են արաբերենն էլ համարել պաշտոնական տեքստ, բայց աշխատելու է լիովին ուրիշ տեքստ: Այնուամենայնիվ, մենք չպետք է թույլ տայինք, որ այդ բառը ներառվեր հայտարարության տեքստում»:

Քաղաքագետի կարծիքով՝ չնայած ԱՄՆ-ի պետքարտուղար Հիլարի Էլինթոնի այցն այնքան էլ օգտակար չէր տարածաշրջանի համար, բայց հայ-թուրքական հարաբերությունների կարգավորման առնչությամբ հստակ գնահատականներ հնչեցին. Հայաստանը կառուցողական է, թուրքիան՝ ոչ: Ավելին, բանախոսը համոզված է, որ նույնիսկ այսօր արձանագրությունների վավերացումը ճիշտ քայլ կլիներ Հայաստանի կողմից: «Առանց վավերացնելու էլ ֆիքսվեց, որ մերժողը թուրքիան է: Մեր դիվանագիտության մեծ հաջողությունն այն է, որ միջազգային հանրությունն այս ամենը հենց այդպես էլ գնահատեց», - շեշտեց քաղաքագետը՝ հավելելով, որ այս գործընթացի շնորհիվ Հայաստանի հանդեպ հետաքրքրությունն աշխարհում մեծացավ:

Ռուզան ԽԱՉԱՏՐՅԱՆ